



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

淡寧軒詩鈔

瑞安汀川

暮嶽張士禎

余髫齡喜讀唐人詩間有吟咏緣入泮後父師勉事舉子業間

吟苦咏無益也乃歷上賢書而皆不遇並勿克邀

天家升

斗之恩僅以增生老雖係才疎學淺恐亦時命不猶春煉虛度

良可羞也回憶幼年讀詩時邈不可得矣且少壯頗有詩文具

於兵燹失之今年當遲暮尚敢言詩然有感中來不覺形之毫

楮時而寄慨時而懷人時而陶情於風月時而舒嘯於溪山殊

不一致詩云乎哉凡我高朋勝友知我者以我不能詩而詩意

自有在如以詩之工拙求我則我終其身於不能一吟一咏矣

亦獨何哉亦獨何哉時

康熙丙戌煉月

暮岩逸客自序

夏日納涼松下憶鍾鹿巖同游金華賦感二首

披襟松樹下遙憶赴金華柳暗蛩聲咽江空雁影斜停舟傾竹葉

負笈過桃花莫道時難過年來志尚賒

蒲觴初醉後琴劍向天涯驛路新詞客岐亭舊酒家雙溪同泛月

八詠幾看花十五年前事西風捲落霞

戊午春別趙明府

諱燦垣戊戌會歸解州

河陽花發忽離舟把酒依依挽不留展驥自應輕百里漸鴻豈遽

擬三休甘棠舊澤思神宰楊柳新枝寄遠郵分手黯然春已暮可

堪望倚夕陽樓

戊午冬送傅明府

諱允誠字渭逸三舉副車山東博平人

博陵作賦舊名流百里初分自古甌五斗忽教陶令去千金難挽

鄧侯留清風兩袖凌冬雪明月孤舟冷客裘回憶年來門下士陽

關未疊已生愁

宿羅臺盤臺有感

登臨已在四年前
何意重來到此巔
蒲笋村醪風味古
山靈還贈一宵緣

寄徐維千

舊游濶別總茫然
清晤如君已隔年
望入中坡芳草外
思從寒食落花前
忘形自昔推元植
作賦於今恕仲宣
好待扁舟重信宿
茶蘼花下共留連

丁亥仲春瑞鄉富戶多被搶劫詩答鍾鹿巖

厚亡緣物忌困儉
又難安賴有牙籤
富差堪天地寬
春醪浮甕底時鳥語
簷端守拙安時命
任人笑素餐

夏日過三梅岡遊三元宮偕以節弟小酌

宮觀臨江滸
茲來續舊遊
雲山天外峙
海日浪中流
樵子剝叢木
漁人泛葉舟
弟兄欣小酌
風致亦悠悠

庚寅春挽以節第二首

楊柳依依南陌頭
行人分袂尚離愁
吾家人物殊寥落
何復邀君赴玉樓

氣度從容笑語溫
雁行率會好談論
而今無復吹簫韻
惆悵花前酒一樽

七夕逢早

離愁萬種擲金梭
爭奈盈盈一水何
今日適逢天漢竭
鵲橋不用駕銀河

夏日送宋明府

諱國琛貢生
山東東平人歸東魯


歸與欲棹米家船
拂拂清風爽似仙
陶令雖然甘獨往
謝安未必許高眠
東甌舊夢丹山外
秦岱新詩日觀前
祖道只驚逢溽暑
棠陰到處好停鞭

溫州府志

乙酉中爍後四日游羅雲峰頂禪院

韶華虛度似飄蓬為愛尋幽訪遠公
仄徑香風生桂樹小橋爍水
映梧桐疏鐘遠度千峰外
片月初臨萬壑中
煎茗渾忘情話久
桃源今在梵王宮

溫州不
劉文



温州市图书馆

WENZHOU LIBRARY

蘭桂軒詩鈔

瑞安汀川

壽山張嶽銘

五言律

赤壁鏖兵

吳中群策士破敵目無曹赤壁山前火東風江上濤聲騰喧甲馬
威烈勝弓刀鼎足三分業功成一戰鏖

青梅煮酒

天下甯知備曹瞞試薦杯談兵澆以酒問鼎借於梅豚犬云何可
孫袁喜自裁兩雄誰最黠一筋落春雷

上巳修楔

華林遊士鬧曲水羽觴流上巳春光麗永和楔事脩袂分花外路
人在鏡中舟勝會誰千古今宜把酒酬

翠陰洞

四首

翠陰名勝地
斧鑿倩誰開
洞口生雲霧
松門響雨雷
綺天何峭拔
僻徑自紆回
跡古新詩在
摩挲效剪萊

跡似雙峰合
何年一擘開
斷崖懸日月
僻竇引風雷
覽勝留題徧
尋芳得句回
石廬終不敞
詎自掩蒿萊

石竇雖然小
乾坤特地開
線痕窺夜月
窗隙逗春雷
洞口青松蔭
崖門綠水回
仙人應就此
想像坐荒萊

合嶂成虛室
崖門鬼斧開
風雲驚欲雨
笑語動如雷
勝跡今猶古
高僧去莫回
幾番思往事
惟有洞中萊

和葉蘭臯表弟種蘭軒落成四首

堦前草色青
築舍擬康成
徑仄誠多趣
居幽自寡營
種花香入幙
檢史燭銷檠
抱膝繞佳興
逍遙愜素情
新舍覺幽清
詩吟四韻成
圖書歸博覽
筆研費經營
文藻生虛壁

燈花燦小檠從知風雨夜懷古寄遙情

境開百慮清卜築事初成市遠心無競書多手自營梅花香短榻

松月淡孤檠雅羨幽人趣琴樽適性情

徑有餘香蕭齋喜落成卻憐花影靜不競燕巢營客到春風座

功添夜雨檠青雲省路近玉署早留情

初秋夜月泛舟入山村四首

放棹初涼夜消閒白露汀秋高雲氣薄水靜月華停出浦風吹袂

沿宵客戴星蕩流何趣味遍覽暮山青

偶向山村裏沿溪望遠汀疎林清露滴碧嶂暮烟停鳥卧林間月

螢飛水面星故人家處好戶戴數峯青

良夜多幽契虛涵月一汀溪喧人語寂風靜竹聲停犬吠間來客

松撐欲墜星輕舟遙泊處夾岸暮雲青

客散猿啼外登舟返故汀
秋從波面見棹向鏡中停
樹隱三更月川浮數點星
莫嫌歸興索回首岱峰青

秋聲十詠

風聲

夜靜涼颼發秋聲入翠簾
簫鳴高樹杪笛奏萬山尖
旅館鄉心碎樓頭別恨添
披衣驚坐起作賦擬蘇髯

雨聲

礎潤知天雨瀟瀟應海潮
乍聞鞭石勢時作洗兵器
破夢秋生枕驚寒露滴蕉
挑燈愁不寐淅瀝聽連宵

水聲

秋水沿溪白群山景倒銜
波瀾翻地軸澎湃離松杉
咽石風生壑鳴雷瀑走巖
亂流趨若海餘响送飛帆



温州府志

葉聲

金風吹玉宇
梧井葉初乾
色染如花麗
聲傳滌暑寒
澄輝留雁影
浩魄照林端
幾片蕭蕭下
驚秋夜正闌

砧聲

霜天人寂點
清韻寄寒郊
玉鏡高低照
秋砧斷續敲
淒涼催畫角
瀏澆應征鏡
入夜聲何限
遼西夢不交

鐘聲

洪鐘驚夢幻
百八趁霜撞
逸韻來蕭寺
遺音到客江
傷心千里月
話舊一秋缸
夜盡烏啼寂
寒風入綺窗

蟲聲

清夜月當軒
蕭齋靜避喧
寒音依別墅
冷韻曳殘垣
飲露秋光寂
淒風客思煩
多情憐哽咽
蟲壁覓聲痕

馬聲

棧頭千里志怒發軼群嘶特壯將軍胆能超戰士聲氣惟雄寶劍
心自躍銅鞮俯仰嗚知己登雲路詎迷

艣聲

澄空秋既望柔艣泛輕槎漫漫搖江月聲聲曳浪花漁歌風歎乃
人語水聲牙前渡雞晨唱歸帆一棹斜

鈴聲

霜華臨古刹鈴鐸响因仍靜共松風語喧同鳥鵲聲窺人雙塔影
醒夢一書燈夜坐多清酌詩敲月下僧

秋影十詠

雲影

雲間生霽景餘影漾明河態靜秋光淡形虧日色多平江鱗細疊

溫州府志

破屋絮空摩隱入斜陽裏為霞散綺羅

月影

明月浩無涯輪斜影自佳懸暉窺竹徑散彩印花堦簾簇湘紋動
窗虛萬字排罷琴閒玩伫霜色冷秋懷

山影

山容看極淨遙影靜相娛冷翠浮僧院蒼茫映畫圖移雲添瘦削
隔水孕清癯恍對危峰墜秋風自翼扶

帆影

秋水長天影揚帆正渡江隨風歌彩袖和月映船窗靜捲魚鈎一
空遺雁字雙澄鮮歸極浦片片落寒砭

簾影

珠簾風蕩漾午影晝清閒靜簇花磚點幽浮篆墨斑香波流錦瑟

水穀浸雙鵬欲捲驚新月鈎斜碧玉彎

燈影

一灼秋燈裏寒芒映畫屏光分羅帳艷影盼杖藜青霞彩輝銀箔
花英燦玉瓶輕蛾乍撲處硯沼落紅星

菊影

菊散秋光影花將月並宜輕寒青女共淺淡白衣隨溢彩香迷徑
顛風翠贖籬南山佳氣繞俯首媚幽姿

竹影

渭川千畝竹披拂影如何逕密留丹日秋空蔭綠渠因風捎玉碎
與月補窗疎繞室遺青翠幽懷君子居

雁影

秋水淨無瑕天高雁影斜半江開曉鏡一爪露菱花夕照空綠水

霜痕淺印沙音書千里寄寂寞落誰家

蝶影

粉翅當秋晚團花影亦香似醒還似夢非蝶亦非莊肖月金錢碧
歌墜玉屑黃流形看變幻未許畫滕王

汀川十二景

黎閣澄輝

今文昌閣

一灣汀川碧高閣夾平堤錦浪雙輝映花光四照迷憑欄風自爽

回首月偏低燈右披吟靜文章聚夜奎

暮隴松風

第二聯傷亡弟柩厝于此

隴畔風何急松多夜有聲濕原翻變調陰雨撼愁城驚破三生夢

吹殘畢世名感人聊嘯咏餘恨曉霜清

古井浮螺

大牆內東西兩井源遠華山春夏漲綠如螺

溫州不... 卷之...

穿透華山脉
澄空一勺新
源頭活
水井面漲
先春月浸螺痕淺

波含翠黛
勻微欄
花落處
香氣暈重茵

烟林鎖翠
士翹讀書處

心遠地仍偏
花明共柳妍
清芬晴可盡
蒼翠雨餘烟
月色當三五

禽音調
百千問
奇迷客路
認取綠陰邊

紅爐煮素
人烟連海
魚火水濟生
涯臚竈紅於冶
熬波白構沙
冰團清影聚

玉碎素輝斜
饒室公調鼎
居然學士家

白曰棲烏

相子梅花白
鳥飛集遠空
星眸珠作合
金背雪旋融
暮藹籠深墨

朝陽喚早紅
全枝今已借
棲穩畫圖中

西洋晚捕

西洋
峽多蟹

漁舟夜入灣夾岸水天環網斷平川月光收平^半面山雪披紅雨笠

銀浪綠雲鬢漫作菱花照霜風怯老顏

曲水觀魚

曲水書院故址在文昌閣前向有曲檻臨河下瞰

鮮鱗浮曲水凭檻試觀之墨瀋群吞急花光照啖遲得天欣共適

非我樂誰知一掬生機盍梯波躍兩時

和大綸老二兄遊仙巖十景步原韻

沙山

騁目渾無際山空一望沙輝分丹鳳彩色借赤城霞日煖疑生玉

春深不見花遷流何所極凝睇自彌涯

宿僧舍

寄宿來蕭寺暮禽相與還白雲迷遠岫孤月伴空山松頂鶴眠穩

禪房客夢聞曉鐘驚坐起對景為開顏

温州府志

巖菴

巖菴留舊跡我輩自今來
薛徑行將盡洞天隨處開
數椽懸石壁斗室出雲隈
玩賞日初暝歸途帶月回

羅隱洞

羅山誰氏隱幽邃可通元
色相仍虛境乾坤一洞天
歲應無歷誌身自與雲緣
踏勝偶來此忘機學坐禪

化成洞中有清同雪嶺匾額

古洞非關鑿天然造化探奇來
到此覽勝駐行程別有通天趣
從茲淡物營留題同雪嶺寂坐挹餘清

天和菴

一望天和景峰峰相向間
獅巖參佛悟象峙伴僧閒
地僻塵緣絕

山深雲氣環斜暉低薄暮
梵响出禪關

登古塔

不上浮圖頂安知世界遙
乾坤萬里眼閩浙一江潮
達漢心猶壯凌雲志自饒
曠觀無限興懷古寄長謠

白雲寺

踏磴尋幽處隨行扣白雲
清泉分石徑古寺隱林曛
淨室松陰靜禪房茶味芬
悠然塵世外不枉步殷勤

梅雨潭

天際雙峰峙崖門半面開
雲濤千丈落風雨一時來
地濕浮空翠山陰近熟梅
塵凡從此隔移得小蓬萊

雷响潭

一路原泉出雙峰夾抱來
誰將無底水能鼓不雲雷
偶與親朋集歡然笑語陪
名流頻到此齒屐遍莓苔

春日遣懷

地靜晴方靄時和物共豐
有花皆綵舞無樹不春融
茗椀調新火

述懷

癡年四十六守拙且安居
媳少惟工繡兒頑總讀書
呼妻烹菜菽

九日與友人登仙巖山

覽勝重陽日攀巖陟翠岑
一天雲影淨萬里雁聲沉
落葉騷人詠

九日與友人遊仙巖舟中占

黃花楚客吟仙山推福地
我輩共登臨

遙情追往事佳興慊重陽
兩岸攢峰瘦中流倒影長
溪分雙燕尾

路轉一羊腸直上仙巖頂
超超非故鄉

玉甌花

庭花似玉明影借月初更有真蘭心契無埃蝶夢清露濃承自重
風軟覆來輕梳刮金榴日瓊英此擅名
此玩景方明花移日影更質誇寒玉淨色借素甌清捧出蟾光靄
傾來露點輕牡丹如並潔富貴不須名

七言律

漢高帝

芒碭山中帝業成摩空一劍任縱橫從知父老三軍約不是將軍
萬死生義首君臣應誓衆身非湯武竟觀兵總然亭長為天子鉅
鹿何妨遜項名

謁楊忠愍公祠

卽官匝月罪旋臨正氣千秋孰嗣音不是先生真有胆只緣報國

溫州府志

盡丹心彈文字誤身應死枷鎖風香世獨欽一視同仁張氏疏家
全節義主恩深

謁卓忠貞公祠

當年密冊任憂危赤族誠甘死詎辭悔不兵官全舊主羞同管魏
結新知花村血碎斜陽地虎徑風寒夜月時千古孤忠崇廟祀至
今憑弔淚盈卮

過釣臺

千秋片石卓高風生並靈臺志不同愛着羊裘偕隱遯難教炎漢
易寒窮乾坤浩渺長江水日月照留一釣翁寄語往來名利者前
途休附故人驄

間居即事

斗室消閒少點埃韶華匝地思徘徊廉纖細草無心茁恰好看花

帶笑開歸燕斜穿簾影動到風吹送蝶飛回日遲睡起西窗下繞榻書聲一枕來

正平墓

裸體曾污鼓吏官槌聲慷慨怒衣冠當時無地容奇士終古孤墳愧老瞞烏化剛傳鷓鴣礪江流長洗雪霜寒淒淒鸚鵡洲邊路芳草斜陽未忍看

新燕

低回燕子乍經過斗室依棲睇若不道此生常作客是曾相識便成窠風簾日暖御花早綺陌泥新啄雨多雙語雙飛忙未了綢繆時節正陽和何物依人巧語溫春歸紫燕傍墻垣堤邊綠柳仍今雨花外斜陽是舊村客窠窠嫌朱戶共貧家亦有故窠存太平風日垂簾下好

哺新雛學負喧

送春

留春不住漫依於
駕促東皇慨日居
綠樹鶯殘人跡少
紅橋草長

馬蹄虛乾坤老眼
摩秦劍風雨閒愁
讀漢書代謝流光
休惋悵一

花開後一花初

患瘧偶吟

怪疾無端可若何
霎時寒熱兩經過
身如卧雪嫌綿薄
室似圍爐

苦汗多待藉龍泉
除瘧鬼先頌玉液
解煩疴但將持慎
清神思勿

藥能瘳體自和

初夏即景次洪貫之妹文原韻

韶華此日未全除
轉眼流光景曷如
柳岸風和猶好鳥
池塘水綠

半新渠岐聯麥穗
占秋穩葉小梧桐
識閨餘三月堪愛時
雍多物

阜南薰纔入理琴初

吊工人杜阿瑤

三十七年長雇工勤家不與外人同六旬有五身常健一物無私

事便公釀酒欣逢霜月好司更喜報曉窗紅于今示寂情何速我

父泉臺喚此翁

舟行即景

一出門廬俗便刪前途風景正怡顏烟迷彩纜垂陽岸路轉桃花

流水灣古木叢中栖白鷺浮雲缺處露青山無腔暮笛橫牛背响

雜歸舟落照間

九日遊仙岩寺不遇老僧作

上方寶殿枕仙山四面奇峰積翠環木客多吟紅樹裏老僧只在

白雲間未聞捧喝開迷路且閱金剛覺夢關到此塵緣俱一掃蒲

團長坐不須還

九日與友人登仙巖山感懷

仙巖福地古稱稀把臂尋幽上翠微地盡平原江折斷峰高碧落

雁回飛已驚木葉三秋變莫問桑田十載非勝會由來難再得同

君今日且忘歸

題白雲寺

何年飛錫住空山徑曲峰環是此間四壁松陰清夢境一團雲氣

閉禪關聊翻貝葉窺元趣試煮香泉洗俗顏纔到上方便不世也

曾學得老僧閒

送李曉亭老師旋里

步留別原韻

聞道臯比設講筵傳經直紹戴公賢文成北斗千言卓壽祝南山

五字度種菊有方添舊譜著書不倦耐寒氈門墻桃李由來秀披

拂春風十二年

職膺振鐸坐槐衙八一欣看髮未華為採參苓儲籠藥間評性學

指庭花妍媸照似龍文鏡氣味清于蟬眼茶驪唱豐湖分袂去留

將教澤遍儒家

閱世神閒絕黨爭曾欽雅望入輿評持躬不使言浮行取士還期

實過名一片冰心留泮壁十分化雨注江城漫言歸去磻溪老恐

有蒲輪特地迎

故園景物未彫殘歸杖寧誇勇退難文試孫曾猶課士德薰鄉黨

亦為官緩尋山水情如舊高會著英興未闌更有諸生縈寤寐閒

來頻向贈詩者

輓吳孺人

海上三山幾萬層仙娥歸處五雲深為憐霜雪摧蘭質空向園林

吊蕙心交甫于今思解珮長卿無後與調琴六年頓缺鴛鴦侶愁
聽蕭郎瘞玉吟

輓伯母任太安人

光沉寶婺起哀歌緬想芳閨涕洟九十三年心淑慎百千萬事
氣冲和訓人語涉營求少閱世言消疊塊多邵老有方宜益算堪
傷駕從白雲何

自古人稀百歲年壽餘九十慰歸全瑤池試會水桃宴蓬島重逢
月窟仙座映梅花寒素帳風飛雪萼恨終天仙眷鳳闕未丹詔母
範堪旌式後賢

玉甌花

玉甌花放映蘭堂劇愛續紛午夏芳雲母屏前呈皓質水晶簾外
見新粧清姿覆處誇幽艷素蕊擎時發異香酒渴詩腸何自索相

看彷彿認瑤觴

滿院薰風醉羽觴玉甌花發一團香光分茗椀還依座色飽瓊漿

自洗粧不趁朱英爭夏艷偏留雪萼競春芳清姿洗盡胭脂麗卻

伴紅榴傍錦堂

和余文航先生老年元韻

堦前密葉露珠胎點綴新紅秋事來絳色曾教臨玉宇耆英恰好

會星台株連蔓莢常修茂譜異春花妙化裁幾變時光添十景天

工于此見深培

砌草鍾靈已闢胎小春消息趁秋來年華錦簇傳芳譜爐冶丹成

映上台玉露綻紅更舊衲金風剪綵試新裁羨君此日多幽興林

下芳姿得意培

培將仙種壓芳英葉比春花入眼明此日童顏徵宿養一生晚景

見丰情香山會上分賓主華萼樓邊認弟兄歲歲秋榮多勁彩後

彫松柏許同庚

不羨夭桃點絳英秋園鑄冶競花明孤芳特繪鮮紅色美艷偏饒

俊少情淡到三秋憐菊婢黃先八月妬槐兄繽紛無限留春意晚

景休徵乙夜庚

咏菊

素秋微雨挹踈籬洗淨黃花三兩枝玉宇凝成清露影金風吹出

耐霜姿柴桑有約辭官日松徑流香對酒時割愛幽芳堪玩賞興

來亦自教拈詩

勝日尋芳來菊圃間看花葉一番新光涵水月高低護色醉風霜

次第勻側鬢香凝烏帽客繞籬冷怯白衣人休嫌桃李無消息自

有孤標伴棘榛

和送春詩

吾濟無術駐芳年
靜倚樓闌思悄然
雨滴園林催夏菓
風翻雪萼醉春錢
居家不省韶華老
作客偏驚物候遷
恨別有懷生夢筆
羨君佳句賦啼鶉
此日閒齋憶昔年
高賢鼓瑟正鏗然
千莖草綠榮新帶
一樹榆青綴古錢
自有篇章誇汗漫
饒他歲月漸推遷
江村無限言歸意
漆得春愁是杜鵑
客館長吟日似年
留春無計轉淒然
當堦芍藥翻紅綬
入水楊花鑄綠錢
高閣思家勞蝶夢
喬林求友賦鶯遷
芳郊盡有舒懷處
漫把歸心付杜鵑
纔從桃李愛韶年
回首春歸思惘然
舊調常留金縷絮
殘香猶戀玉飛錢
樽前吟興悲寥落
眼底風光變遷茅
屋傾心談往事
怎

當烟雨亂啼鵲

村庄春盡感流年入夏名花取次然兩岸麥風牽柳絮一簾梅雨

濕苔錢故鄉消息頻頻至客子光陰漸漸遷自有小園烟景改紅

榴綻萼續紅鵲

昨宵春去便經年客館孤燈徹曙然曲徑泥香穿燕剪長河水綠

疊萍錢鶯花觸緒唐元稹筆硯闕心漢馬遷芳草王孫吟未盡枝

頭多事是啼鵲

鬪蟹

閒觀雙蟹吐雌黃鬪距撐持擬怒螳殼面披堅金作甲鰲火擁利

劍抽囊沿池背立看臨陣拓地橫行報復隍奏捷將何勞勸賞紫

泥和葉戲封唐

風味樽前憶內黃鬪酣彷彿捕蟬娘草城赴敵催蛙鼓花國爭橫

餉米囊盤石競登如奪壘
泥溝高渡似侵隍
片時戈甲分強弱
百戰功成笑漢唐

述懷

浮名了卻便為高
未熟家修漫試操
論語孝經勤訓子
竹頭木屑細分曹
因思戲綵裁紅藥
為厭繁喧種碧桃
茶半春初諸事畢
不妨小坐理吟毫

送蘭舟侄省試

地隔華山千里餘
桃花險峻過肩輿
漫誇旅館文園會
特上金門季子書
八月江濤魚躍處
三秋雲路桂香初
仙帆得意便回轉
自有金泥到舊廬
六月槐花一路黃
離亭餞送望諸郎
十年面壁螢爭奮
千里文龍字應香
請語高秋專鶚薦
并將遠浪破風長
倘教杏苑催先騎
怎

得追蹤號五張

和蘭舟侄省試留別諸同學詩并次原韻

破浪乘風正少年西湖此去騁吟鞭
自來文學歸星野詎乏才華

壓樂天花下掄元成底事甌東拔
解續竒緣知君不是池中物眼

見登雲到日邊

壬申夏日聞三內侄天亡內兄抱卜子夏之憂因作俚言以

相勸慰

王勃虛留作賦名才華太美鬼神驚
自來令子無多算未必庸醫

候有生是色是空隨幻化如花如泡費
陶成縱云竒驥堪千里過

影流光福便輕

四句述懷

三秋景物幾經過壯歲催人費揣摩
雲路有程才自少藥爐常試

病徧多余少丸留熊膽思如在夢冷萱堂泪若何自失所時嘯噉

滄桑空變幻不妨一曲寄狂歌

漫從膝下逞驕憨試顧妻孥樂且耽養志專為求邵老家有時六

承頤只解悶分甘余幼弟一盤飧近買肥霜蟹烟雨方新釀酒柑

應是無官家便好秋風何地不江南

人生奚事起愁顏了卻營求心便閒有政爭如為孝友無名世乃

為癡頑欣看院落花三徑愛對秋波月一環怪道讀從書未解自

來淺語悟深艱

四十年來事事迂祇因鈍拙莫如吾篆烟當午間成寐翠竹依人

靜自扶敢謂才華憐屈宋聊將飲興效甌蘇余性嗜飲身無嘗試

身非小到眼浮名戀欲無

簡遺籍有感

溫州圖書館藏

簿籍於今彙稍清
半年前是一身輕
堪嗟歲序纔
冬夏欲待親闈
隔死生
日落烏啼
簾幙寂
夜深月暗
雨風聲
百千手澤言猶在坐
對遺編
益愴情

九日登高

群峰瘦削入秋高
佳節登臨興自豪
雲氣擁來關塞雁
松聲嘯挾海門濤
幾人翠縷懸萸佩
一路黃花拂繡袍
穩坐山頭惟片石
乾坤空濶首頻搔

月夜送洪貫之妹丈即疊原韻

滿天星斗浸寒波
斜峭西風霜氣多
郭外群山青到此
江間匹練淨如何
秋光似畫經人思
客棹如山乘月過
把袂幾忘清夜永
催歸舟子一聲歌

鮪魚

家緣甌嶼海潮邊
頽頽鱗魚二月天
舉網無煩冰雪護
登盤猶帶水花妍
非唯細骨超凡品
只此銀鱗孰並肩
佳味坐叨忘付與
啜

愚自笑倍常年
初夏即事

新竹窗前綠映紗
日長庭院午影斜
時雨時晴飛巢燕
是夏是春

噪部蛙已去流光心
莫滯閒來景物我
何加牡丹塢畔倚
留悵轉

瞬荷錢禱早花

七言絕

漂母津

當年漂母遇淮陰
一飯爭如一怒深
不是王孫最傑士
汗顏何日

報千金

題蘇武

節旄落盡意堪傷
十九年中歲月長
雪窖風霜甘寂滅
君親萬里

淡他鄉

項王

項王核下困兵戎
無限悲歌戀楚宮
盖世功名兒女泣
美人一死

更英雄

力拔山兮盖世姿
咸陽一炬逞雄師
自來武勇無深識
身死東南

尚未知

秦皇帝

造謗非今事
可除咸陽宮裏太吹噓
縱然費盡坑儒力
戍卒何曾

解讀書

遠戍匈奴事亦愚
只緣作法未師儒
不教劉項關中起
那信長城

築可無

浙江圖書館藏
七五五號
浙江圖書館藏

上修德化下歸仁威令雖嚴急詎伸博浪有椎芒碭劍空銷餘鐵

鑄金人

讀史

天下紛紛痛忽諸六王畢後事何如神仙海遠仍癡誕偏是亡胡

識不虛

惜春

鷄鳴風雨讀書處疑是春寒春不去偶向枝頭問落花流鶯知道

無心語

月下偶吟

春風薄暮靄簾波徙倚庭堦興若何兒女今宵癡笑樂紛紛爭掬

月光多

訪白雲寺

溫州府立圖書館

WENZHOU LIBRARY

松林深處訪禪闕
路轉峰回幾度山
偏向樵夫相問徑
自言我是白雲還

九月與友人遊仙岩舟中口占

西風擺極繞船香
一葉同人臭味長
覽勝與君竟此日
更無佳節似重陽

落葉蕭蕭重九天
山明水碧淨無烟
誰知我輩情無盡
載得秋光滿此船

春雨

群芳應已茁寒胎
冷濕枝頭未肯開
莫怨花遲春信杳
一堤烟雨燕飛來

採蓮曲

吳姬羅袖試新裁
手拾芙蓉帶笑開
人面花顏誰辨得
祇聞細語

暗音來

菱荷蒲口薰風香少婦調情夏日長欲折不折緣何意思驚交頸

兩鴛鴦

采蓮無如吳宮妃鬪艷人人著舞衣妾貌似花花似妾君王應賜

品評歸

漁家歌

昨夜酣歌罄瓦甌今朝舉網碧灘頭呼兒穿得鱸魚去換與前村

賣酒樓

風定蒲帆月滿舟水天一色亦悠悠笛聲不斷平橋外那記中流

網未收

春宮詞

天家玉露醉仙桃紫禁風傳一曲高日暖溫泉新浴罷侍兒扶起

換春袍

四時漁家樂

舉網得魚魚不空
朝朝貫酒醉顏紅
與誰倡和垂楊岸
百轉春鶯

一笛風

何處持竿暑氣空
扁舟掉入藕花紅
歌聲來到采蓮女
笑被漁郎

占上風

渺渺秋濤動遠空
吳江楓冷夕陽紅
不知何處歌聲起
蘆荻花中

唱晚風

烟水為家萬慮空
兒童吹火荻柴紅
尺鱸換得酒多少
明日天將

雪又風

雷响潭

千盤百折上崔嵬
忽見泉源劈石開
潭自靈竒聲自幻
不風不雨

不雲雷

十五夜夢感

月色非真減去年自無情緒閉窓眠誰云更漏秋添閨夢見嚴親
已曙天

烹茶示長男方至

靜坐烹茶為汝歲休嫌爐火費工深澆人氣味雖艱澁最好香茗
最苦心

久雨吟

人間厭事寧有此朝雨暮雨雨不止不見流鶯語花衣只見花開
隨紅紫零落韶光安足云

虛白吉祥室詩鈔

瑞安汀川

蘭舟張夢璜

七言絕

題純夫松泉清賞圖

倩將妙筆寫清幽
身分當於畫冊求
泉是性情松是操
知君磊落又風流

千尺高松水一灣
吟懷從此總幽閒
近來篋裡詩應好
一樣清新

庾子山君時向余借庾開府集

永嘉懷林魚亭

故人蠟屐別雲根
煉水蘆花憶謝村
讀罷離騷誰會得
黃昏疏雨

自關門

吾亦頻年客永嘉
思君轉覺思無涯
君家遠似吾家住
夢到君家

先到家

浙江圖書館藏書

水墨牡丹為壽山叔父題

滿眼胭脂自昔傳春光雖好失天然不知此意憑誰寫富貴場中

翰墨緣

桃花便面戲代畫中人作

圖為馮香霞作

鳳泊鸞飄祇自憐花開花落自年年春風顏色兒家好不及人間

並蒂蓮

憑闌三月日光斜惆悵東風感物華我怕即情似楊柳爭如即首

吾桃花

雨露恩濃春未闌教儂愛處教儂歡東皇寵極應當惜莫作閒花

一樣者

汀川十二景

藜閣澄輝

臨流飛閣浪花香
亞字闌干坐半強
星斗寒芒天倒影
水光一片是文光

烟林鎖翠

晚烟濃密鎖春林
樹影模糊積翠深
疑雨疑晴渾不辨
一重花氣一重陰

紅爐煮素

此地公然古宿沙
紅爐丹竈寄生涯
纔看爛熳波熬素
如見簾纖雪作花

白白棲烏

荒村流水幾人家
白白枝頭數亂鴉
月夜刺嘈疑翠羽
忽驚清夢到梅花

西垞晚捕

紅燈影裏酒初熟
黃菊花天鱗正肥
向晚有人篝火捕
新霜和月上簑衣

東浦早漁

輕舟纜過板橋西
隔浦人家雞亂啼
數點漁燈臨水暗
一鉤殘月傍人低

古井浮螺

乍晴時節雨纜過
井面新痕長綠螺
門巷深深春寂寂
好分濃黛上簾波

小橋起鳳

門外湖光一帶明
小橋剛面鳳山橫
鴨頭綠漲春來水
雁齒晴烘夕照清

平川網月

一聲欸乃一輕蓑船向平川撒網過何處
煇風起蕭瑟蘆花開遍

月明多

曲水觀魚

地環流水水環居曲曲欄干
卍字書但向人情求物理
我知魚樂便知魚

暮隴松風

隴頭色冷暮烟清落日悲風
慘淡生萬派怒濤齊湧起
教人從此覓煇聲

曉樓觀日

五更海上天開早百尺樓頭
日上先總要置身立高處
見來多半在人前

病中東東嘉諸友

幾年作客暫還家
心尚依依戀永嘉
寄語近來無別况
惟貧惟病作生涯

好友曾勞慰問勤
六親尚恐有傳聞
平安消息如何似
午睡纔醒半夕曛

功名枕上夢難成
從此盤桓只戶庭
斂得心情醫得病
藥爐長對養生經

悼亡

稠桑有路隔雲端
妙子頻呼見面難
從此課花花亦恨
昔年簾外並肩看

鴻爪年年滿鹿城
寄懷寫盡客中情
當時只恨長離別
今日誰知又死生

纔賦催粧識便成
分明早作斷腸聲
魚兒炆目鰥原慣
不合當年

同舟李郭漫疑仙
打鼓回帆意洒然
一路桂枝香不斷
好風吹入

嶺行雜咏

風吹香雪襲人衣
雲護肩輿上翠微
蒹葭麥豎田開正好
五年三度

看花歸

黑雲連日覆平原
未午時光已覺昏
昨夜四山岩溜下
驟隨涼雨

長溪痕

亂山圍處一兜輕
上下峯巒路不平
溪霧漸消林雨歇
夕陽迎我

到荆坑

隔重山似隔重垣
四五人家又一村
兒女無多雞犬靜
一條衣帶

水當門

水竹迴環一徑斜
桃花古洞最餘訝
山僧不解脩清福
化作公羊

賣餅家

一朵芙蓉稱意花
去年曾此飲流霞
重來難問桃源洞
暮雨蕭蕭

客路賒

丁卯過芙蓉嶺見一妓絕佳得一芙蓉稱意花之句頃

柳作腰肢玉作驅
相逢阿翠正當壚
溪流檻外山橫枕
笑指兒家

住畫圖

郵籤迢遞數歸程
三日青雲路上行
重複乘舟渡江去
片帆東指

故鄉城

江山詞

阿儂生少隸嚴州
婚嫁從來九姓求
眷屬合移江面住
蘭溪馬道

慣勾留

船頭舫尾漆光研
卍字窗兒插翠鈿
兩兩三三水手到
篙工不喚

喚同年

西門官埠到胥門船到門前金鼓喧忽見杏紅衫曳處水風吹起
一雙鴛

奴艙貼近客人艙繡枕薰籠卸晚粧鶯叻新翻寄生草聲聲似勝
杜秋娘

寄內

輾轉牀頭總不安况逢風雪倍心酸也知耐冷尋常事卻恐卿身
更怕寒

平居猶恨隔窗紗別後離情想更加幾度夢卿卿不覺將毋卿亦
夢歸家

不妨留住不妨歸爾我參商事尚微乍暖乍寒天不定莫要輕減
兒女衣

京師館中作

寄居蟲殼脫秋風又向京華作寓公
盡日坐如來入定所輸僧是
萬緣空

蠶白生來慣受辛
科頭跣足尚由人
從今襪纈凭人喚
署得頭銜
兩字新

蠅飛只怕入簾櫳
銀蒜長垂不捲風
卻怪炎威怎耐得
想因頭腦
太冬烘

五言律

孟樓

估舶簇如星
烟波隔杳冥
潮翻春漱白
山對酒人青
昔日襄陽客
曾從孤嶼經
憑高搔首天地一浮萍

携柑聽鸚圖為黃平甫師臺兼送北上

仲谷風斯古
公乎儼未慳
晴日酒初熟
宦情春正閒
精神詩卷裏

師近有崔石山
房詩稿之刻

心跡畫圖間不作官家樣
春風自往還

偶携紅友去遙指綠陰行
名士履所到春風色亦生
芳草舊遊路

館靜居寺作

自入招提境翛然遠俗氛
竹疏無碍月山靜不離雲
有客愁沽酒

為師愧論文得閒僧共話
禪語幾回聞

題黃平甫廣文江心餞別圖

槐布譚經地壘麓叶後先
一罇歧路酒十載辦香綠
鷗浦鴻留影

嵇山鶴養年茫茫圖畫裡
離思滿中川

送王寶橋夫子膺薦入都

門前桃李樹依戀此春風
遠道愁分袂離懷繫寸衷
琴鳴徵宓子

鱣集貴楊公絳帳重回首
情深六載中

溫州府志

丰采争先覩高軒駐古甌襟期清似水官廨小如舟竒字携膠問

明珠入海求輒生叨末座風雪每白留

謬許珪璋器頻年荷琢磨提撕惟我最依倚感公多素叨青雲望

曾賡白雪歌驪駒方在路日暮意如何

餞別臨江滸中川一幅披川葉星橋諸君繪中追風思附驥近日正

傾葵撫字民之母文章我所師乘時今利見溫語下丹墀

七言律

謁文信國祠

日轂思量隻手扶間關跋涉淚痕枯龍髯攀帝三宮杳馬角勤王

一旅孤南渡江山餘戰血中川香火半烟蕪我來恰值罡風起彷彿

靈濤白馬驅

陽侯怒挾海潮攻鼎鼎乾坤氣吐虹一局殘棋收黑白半江駭浪

溫州不...

下艤艫北來趙氏無遺種南去匡山有大忠
匡山大忠祠祀陸秀夫張岳傑與公三人

剩得壁間詩可讀誰從黃帝訪崆峒
孤臣涕泗如此水恨不從公

西臺臯羽哭如何正氣千秋不可磨
洋到零丁流水惡誅煩炎午

塞音謠孤航有主君臣定古寺無燈
日月過後輩成仁卓忠毅魂

來同與話鯨波

謁卓忠毅祠

謝公亭接卓公祠壞瓦頽垣棟宇
散竹徑籠烟寒古堞海濤鼓浪

嚙殘碑元黃位定龍酣戰風雨山
深虎夜騎三百年來明社屋春

帆似葉水瀰瀰

手排閭闔叫蒼昊曲突當年勸徒薪
但識湯孫傳太甲不勞姬叔

佐冲人少逢丹室逍遙客死有文山
寂寞隣 聖世億忠崇謚

典奎章千古壽貞珉

温州府志卷之...

趙灌松齋中牡丹止開一花嬌艷異常一時題咏甚多因呈

一律

天然矜貴一枝花
蘸影亭亭映綺窗
總領春光原使獨
是真國色必無雙
紅雲艷絕來瑤席
綠蟻頻斟倒玉缸
花品獨高花獨步
主人相對韻琤琮

和李達泉七十自壽

公壽辰正月五日

盃開長命紀新年
風日澄和第五天
此日恰教逢嶽降
當年應合字斜川
古稀七字傳工部
家學千秋有謫仙
自幸得隨珠履客
瓊酥好與晉華筵

送李石農道憲陞任雲南按察

帝眷優隆命新秋
霜到處是陽春
滇南風土占王會
域外勲名紀重臣
此日錦衣歌信處
遐方驄馬望來旬
閭閻且莫留鞭鏡
膏

澤無私六合均

青箱久裕濟時才旌輒匆匆驛路催捧簡風規光鳳闕巡方清要

重烏臺都門卧轍蒼黎泣南土鳴騶榴道開深憶儒林沾化雨七

年桃李荷栽培

題包節母表狀丹後

淚痕未范月初彌保抱常持一線危兩字死生權且度卅年甘昔

婦兼兒家無長物茹荼苦天試諸艱降禍奇此日彤庭褒苦節韜

軒特採柏舟詩

襁褓盤匱歷苦辛此心皎皎玉無塵齊眉長使親鴻案獎志何由

下鳳綸身後水霜光史丹懷中巾幗識人倫九原夫子如相見真

不慚為不死人

賀王蔭堂補官外委

溫州府志

期門初試羽林郎
榮戟家風品自昂
此日軍容趨細柳
他年扈從賦長揚
飲醕早訂金蘭友
穿札群推玉壘望
直上無難追驥足
知君韜畧本精強

題黃平甫廣文江心餞別圖

清明時節雨徧多
餞客中川酒半酌
芳草驚心千里別
春風容易十年過
地綠謝客留紅榭
人似江郎恨綠波
此去宜園堪逸老
看梅興早動詩魔

鄉試留別同館諸友

幾回望我鹿鳴年
黃到槐花又着鞭
客路馳驅三伏暑
故人期待九秋天
應教南海持新翮
莫止西湖了夙緣
此去已成千里別
明朝相憶在江邊

歲庚午遭先君子變室罄如懸琴絃更斷心自此成死灰將

十年矣秋闈報捷喜出望外不覺憂從中來感而有賦
小捷鄉書十載遲如添愁緒萬條絲卯方待翼巢先覆酒欲歸謀
白已炊家計足當羊舌賀力耕未與馬肝離思量一事還堪慰護
草春生六十時
閒身已自坐蹉跎不日幽并躍馬過名利場中安穩少親朋面上
別離多學慚陶令辭官徑懶愛堯夫在洛窩此去好將雞肋比嘗
來畢竟味如何

宿巖泉遇雪

天將世界換光明吹墮寒花片片輕到此忽疑銀漢近來朝應在
玉山行爐當促坐寒還甚酒任重溫冰又成冷眼主人熱腸客一
般相對兩般情

山東道中

楊柳東風二月時
一鞭驄馬輕青絲
雲隨沙步省難辨
雪為塵封
過不知欲改鄉音
愁舌強怕妨歸夢
勸行遲晚來共宿
誰家店
認糊塗壁上詩

向來枉羨走京華
困頓難言路更賒
行盡平沙人似雁
望來瑟縮
客如鴉無心對月
偏嘗餅最怕聞雷
聽轉車幸有女郎
年十五新聲
夜夜競琵琶

送諸同鄉下第歸里

同是春風失意人
忽將杯酒送征輪
文章勒帛終歸命
去住焚香
屢問神謂仙鴻爪應憐棲日下
馬蹄可怕走風塵
語君客舍休題

壁要想紗籠愧此身

章臺走馬日論文
忽忽尊前袂又分
白也于今休望月
退之爭奈
不為雲攀來楊柳
魂銷我開到梅花
客憶君故里若逢
南渡雁平

安為報老親聞

便教衣錦也還鄉得唱刀頭事總強共說隔年重聚首怎堪盡日

九迴腸地餘暖意行方好客有歸心路更長料得到家期不遠落

殘梅雨麥天涼

寄懷梁清泉

回首東風意倍加相逢萍梗各天涯我如張儉方為客君是梁鴻

卻有家歡飲杯呼金鑿落贈行梅折玉了又此情但可如高敏入

夢才嗟別路賒

島佛心情錦作腸卜居况復是金閨幾人吳郡誇詩本真箇南園

乞醉鄉盡舫珠簾朝暮路紅樓翠館宴歌場如何第一繁華地尚

肯家山問稻梁

公詩有甌郡稻苗肥不肥之句

黃金賣得十年前曾鑄人間兩箇仙

一謂蔣醉峯

不道遠來剛握手誰

溫州不刊

知小頃又開船落花飄泊三春雨綠竹平安萬里天更憶門閭長
盼望凭君綿邈寄詩箋

和趙次泉先生自壽元韻

脫離宦海十年過亭榜休休謝折磨香火有緣聯舊社昇平無事
任狂歌除將松菊關心少辨到孫曾頷首多靜養天和閒養性不
妨足跣與頭科

名園位置十年過卷寫三千墨自磨閭左爭傳蘇氏譜漢中猶唱
陸君歌金袍脫與兒曹貴玉塵招來上客多最羨長筵開八秩詩
章稠疊各翻科

鹿車曾向漢中過海鶴精神老不磨八載柳營須碩畫十年棠里
譜高歌黑貂畢集花筵暖紫鳳爭依竹蔭多慚與孫官同進酒顯
家何日發文科

呈項仙植

九仙山外吉雲生
回首瑤光傍紫城
好慰閭閻千里望
難忘菩薩
一時名佩刀自有王祥福
懸鏡誰如阿魯明
最羨板輿迎二老
廿年甘旨是君羹

酒闌香燼剔銀燈
玉屑霏霏我服膺
未肯低頭箱紙尾
笑他負腹
摸床稜照人眉宇
溫如玉作宦胸襟
冷似冰一夕快談
皆盛蹟歸
來書遍剡溪籐

祝那竹汀夫子六旬雙壽

信是天家柱石臣
月明如現上卿身
集成一品文章富
位歷三台
寵眷頻詩禮
早傳兩公子
起居長侍太夫人
木公金母同週甲
棟
子梅花各壽春

又擬灤陽奉板輿
恩深天為轉除書
十年蓬苑迴翔後
兩度蘭臺

領袖初藥籠
茯苓供采擷
縹囊文史恣
佃漁樵材也
荷公門植咒
祝叨陪鯉對餘

岳仲山弟締姻瑞侍讀家與余為舊居停新人亦女弟子也

古泉諸君各以詩見贈兼有執柯云云因和元韻二首

稠疊詩箋筆有神
蹇脩似我本非真
要知弟子眉光喜也
算先生

口角春繡幙良緣三月近
師門佳話一時新
且拚酒量同歡飲
藍

尾杯傾到匝巡

此手爭傳妙入神
鴛鴦繡出幻成真
青氈莫笑頻年冷
絳帳能生

到處春聯得日邊
桃李艷漫誇月底
姓名新關心花事忙
催取

吉期亦余為之撮合快聽笙歌奏幾巡

松臺懷古

儘日閒閒策短筇
丹崖青嶂護重重
有人自抱千秋意
此地誰栽

五粒松一代風雲成桐葉六朝烟雨剩游踪多情最是支離叟密
蔭鋪空分外濃

謝村秋暮

幽境從來絕亂唳幾番蕭瑟透寒窗烟林隱約巢歸鶴池草凋殘
月滿艘烏集空庭迷曉霧人回蓬戶吠昏龍凭闌遙憶風流客試
續新詩別夜缸

夕照初沉四望遙城隅寒柝鬧清宵亭邊縹緲雲方合池畔蕭條
草正凋幾片丹霞迷赤壁誰家砧杵雜瓊簫鐘聲初起書聲寂獨
有鳴蟲伴夜寥

偶臨庭外覓秋華野竹蕭蕭夕照斜人醉金風新月冷雁歸幽樹
暮烟遮靈池此日來游屐謝客當年駐晚車正是多情悲宋玉遙
遙何處一聲茄

子晉笙臺

高聳洵嶙子晉臺吹笙曾向此徘徊松排古徑蒼還秀雲鎖深林
往復回地僻不教時駐屐月明獨愛夜啣杯城南嶺上今回首莫
使山林雜草萊

西堂春草

天然趣味語偏真得句西堂助有神一徑綠英供望眼滿池芳草
夢詩人東風吹出還愁弱烟雨生成漸覺勻行見江南初送客青
青到處暗生春

南郭藕花

綠蓋紅衣照眼明藕花開遍逐人行一番新雨頰襟滌百里香風
俗慮清爽岸方尋游賞伴隔烟頻聽唱歌聲使君一艇來南郭喜
見民間五馬迎

蠶繭

三起春蠶食盡桑辛勤作繭為誰忙
分明白雪翻成甕頃刻瑤雲結孰
房有意應供公子服無心欲妬美
人粧何當瓦卦油花卜曲薄多收
即歲康

漢武帝和秋帆

茂陵天子握乾符萬乘才疎計轉粗
月暗昆明誇水戰雲封嵩嶽聽山
呼樓船蕭鼓秋風曲印簪冠裳王
會圖不有輪臺能悔禍邊

城白首又充塗

游仙二首和秋帆

飈車轆轤羽輪馳十二瓊樓乍到
時路入琅環探秘笈入蓬羅綺結
新知風迴閨苑花初放雲滿嶺山
鶴試騎借得彩鸞新韻本等閒開
遍步虛詞

霓裳詠罷大羅天
張碩聲名壓衆仙
作吏玉皇香案側
高談碧落侍郎前
琳宮賜宴羅敷饌
紫府徵歌韻管絃
醉後阿環扶導去
又頰纖手撒金蓮

擬唐人晴雪早朝詩

銀箭晨催入禁城
長安一夜雪初晴
曉開魚目金門鑰
天近鰲頭玉佩聲
臣志可堪方潔白
君恩此日更光明
等閒朝罷和風轉
春共梅花出帝京

隱君丹室

采藥何年此地留
蕭森丹室俯滄洲
空山經濟存梁代
真隱風流繼葛侯
仙鶴不回丹灶冷
嶺雲長在石壇幽
聽松樓上塵寰遠
想見蕭閒避客秋

五古

戊辰秋榜後作

春女善懷春秋士恒悲秋春心易搖蕩秋思多幽憂昨從吳江來
解纜息故邱娥眉閑粧閣對鏡常自羞不解時世粧何以媚蹇脩
卻羨西隣子笙歌下高樓輾轉不能寐起坐彈箜篌鳴蟲亂四壁
蛸唧如訴愁寥簾問明月落葉風颼颼
丈夫不得志書空常咄咄喝盧十擲健獻璞三遭刖朋遊多高蹇
矯矯霜天鷲顧余抱殘編棲身尚林樾飛騰會有時歲月坐超忽
且雕文心龍莫談命宮蠟茂先琅環籤張憑勃窣窟典型幸匪遙
獨對殘灯兀
吾家壯武侯載書三十車吾家燕國公鑄財三十鑪愛博成博士
守錢非錢奴余也踵其派兩事一不如架上數卷書朝覽夕無餘
囊中百文鈔昨貯今已虛丈夫重志氣韋布驕羅縵一瓶辛可惜

敢惜心力痛勝敗兵家常且自磨厲須公車得氣士昨日皆泥塗
狂夫自嘯傲旁觀任揶揄

感事

柳家有細婢耻事賣絹郎黨家有名姬執巾學士旁傾城遇名士
相得美益彰癡漢馱駿馬可笑不自量彼姝者誰子蜚織耀明璫
骨秀才亦麗枕簟薰班香落花墮圓涸綵鳳隨鴻翔妾命固自薄
曠曠歎彼蒼在詩刺燕婉在易占枯楊誰非鍾情人聞此增感傷

西隣篇

西隣鄙駱駝東隣王元寶十年分苑枯鬪富如鬪草東隣昔全盛
金穴度昏曉謝絕請貸緣剗利極分秒佩玉鏗襟裾壁釭飾亭沼
座客密如雲十語九頌禱一朝銅山崩田宅淨如掃西風葛帔涼
子弟色枯槁當時遽除兒跡絕門前道富貴竟何常浮雲散江島

四顧西隣子持籌方未了

七言古

勸糶行

我聞生民之養一日穀天下以此樂鼓腹米價如珠滿眼愁哀哉
誰為斯民謀風雨無從去覓糶一室倒懸空四壁茅簷夜坐婦語
夫明日朝炊可有無官家莫謂倉廩貧此時人間多窮民官家但
知鼎食豐誰問人間嗸哀鴻君不見臧孫告糶稱知禮大書特書
紀魯史又不見勸糶曾于劉氏推宋史大筆何淋漓我方自笑昂
藏七尺驅徒擁一索愧侏儒愁來為作勸糶歌為問發棠將若何
苦雨行

雲陵山頭石燕飛斗鄉忽披玉女衣一雨淋漓近匝月家家仰天
徒歔歔濕雲滿地根入土簷溜如瀑懸當戶煉石何從覓女媧愁

教天漏誰能補東方日出霞如綺旋復雨雲相繼起暮復暮今朝
復朝無數人家住在水野田湮沒波浪生東西阡陌失縱橫蝸涎
作字滿四壁竈下時時聞蛙鳴天道本自無徧頗諒由人事傷太
和禁止屠沽肅齋戒格天務在精誠多安得一朝霽景開青天萬
里無纖埃解愠時有薰風來

祝林麓園老伯六十壽

少讀逸民傳長游孤山巔風流照今古和靖真散仙仙乎仙乎不
可托滄桑變幻世情薄少微星落甌江東濱七百年後我公作銀手
如斷金心在中瑯環福地快樂仙宮逍遙塵世六十載杖履步步
生春風上有偕老妻烟烟雙齊眉下有不凡子亭亭雪鶴峙開闢
福門喜在隣幽光潛德耀鄉里一陽初轉葭飛灰千枝萬枝梅花
開花時正值公初度瓊花照映介壽杯壽山福海列屏嶂水桃雪

散

藕園樽壘綠衣舞罷仙樂奏
瑯耶磬耶聲喧
酌我北海酒索我
南山篇為公呼凍筆為公擘
蜀牋以善積慶慶自綿海籌
滿屋難問年逋仙雖仙空復
然

江心寺

山在在 水滔滔 水夷挾浪天
吳驕何年鞭石驅巨鰲
江心截斷千波濤
羅浮掛米互鈎帶吹臺
笙鶴空招邀中有化人之城
晚江臯蓮宇金碧光飄搖
虹長百尺蜃吐氣塔聳雙
角龍昂霄盈盈一水在天
末咫尺不受紅塵蹶
雄堞含烟淡古蒲帆貼水
飛輕舸是時正遇風怒號
萬弩突射靈胥潮凭欄
釀酒興不惡螺女供饌江
妃遨咳唾隨風生珠玉
酒杯倒于軒蒲萄吾儕壯
遊偶然耳羲之康樂亦蓬
蒿氣吞東海水手握南斗杓
搔首問天天不語洪流日夜
聲叨騷何日同呼赤松子
乘鶴直上天門高

温州府志卷之四

題洪君元化折梅小照圖

公非趨時非違時意所獨是獨行之不知公者云公異我知公之
真趣其在斯揣摩世故公作偽顰笑隨人亦何為杞柳殘成杯棬
形從來諧俗受俗累最高身分推梅花獨標一格成一家平生清
淨無纖瑕年華越老風情加底事癯仙之稱巢許比只在不隨桃
李爭春華李子丹青絕妙筆寫得高人真趣出輕裘杖屨飄然來
寒香一掬春四溢古心古貌古衣冠我少年時當作古佛者及長
擬以今日之古人此語亦泛非公真我昔文字青公眼公今畫圖
索我向閒身冷艷費評章忽忽披圖似有悟霜雪精神七十翁杖
履步步生春風公與梅花將毋同吾賦梅花即賦公公今不恨青
友歸來對飲酒一壺更願多種三百株君不見古之善醫者種藥
多在梅花下

題曾氏春園叙樂園

春風吹月靈犀透主人方休篇籍圓長生木瓢恣歡賞伯仲妙年
心不幻雕樓但說華萼名烟景空數桃李香爭似王徽相慰殊同
坐瑯環弄青鏤我家清素苦微貲下堦決貲接鰲岫昌齡代笠尚
無處破屋紅花莫掩陋丹青暫面愧雙珠人間元契轉添糲洵然
一刻千金值孺樂如君皆東味

道情

不教世事苦營求笑向江湖浪漫遊二十六年彈指過也無
樂處也無憂自家瘦秋生是也情多惹恨貧極工愁幸喜這
幾年外就師傅念幾句者也之乎從未曾涉世營謀管甚麼
油鹽柴米故爾打破愁城逍遙樂境今日我爹娘將我娶一
房妻子因想客裡風光多半是生平樂事後來景況怎能勾

如此蕭閒為此編了道情幾個非敢請教諸公聊以自歌
自遣不免唱嘆一回

最從容只幾年一飯後且高眠徐徐來見先生面他鄉在久人非
客俗累丟開我欲仙幾曾卻把家鄉戀安排了明朝遊事好與那
山水圖緣

逐風波不畏難踰峻嶺上危灘枯蒼山色閒中看自憐白屋無人
問買笑青樓強自寬羈留三月無牽絆休管那床頭金盡美人兵
暫借消寒

風雨夜最淒涼得故人便踉蹌親朋絡繹來相望偶談塵事人皆
趣解說風情我獸狂天機妬此方舒暢叙完了一場閒話再品評
詩酒文章

想當初事休論一回首一銷魂留春無計空愁悶家因貧甚婚難

遂詩為情多稿不存聲聲離恨聲聲怨意中人從今去也再休題

求爾新婚

念雙親鬢已斑急求皇莫等閒魚兒秋目鰥原慣無端妹妹嗟長

別益使哥哥洒泪潜滿懷心事常羈絆只望他妻賢而淑順承我

父母權顏

賦催粧字滿箋羅世網逐塵緣且愁且喜剛參半從前慣來閒花

草今日新開華蒂蓮溫柔香染人心變畢竟是風雲氣少先愁他

兒女情牽

眉撫莫學家京兆一味柔情繞從此又羈棲依舊居家少俺唱罷

道情兒教書去了

留京戲墨用林敏齋先生韻四首

正月六日敏齋先生招從

多和因用其韻成此以博一粲此游戲之詞聊以誌近况

溫四不也

要想留京又想還一批行李一跟班方愁館地非容易誰想人家
不等閒相府喜歡門子大書房恐怕阿哥頑包來火食何曾濶已
被東君見一班

騰錄

月月投供去復還喫虧騰錄舉人班鑽謀議叙今還早打聽傳條
日不閒七品空銜先夥夥借作三成入聲分發講頑頑等到他部選將
來到墨黑鬚鬚大半斑

教習

一回輪過一回還教習終然會到班知縣堂堂原體面教習做做
也安閒九重天子東家大兩學生徒左翼頑夾塔只愁黃帶子須
將課卷改花斑

聽戲

驢車斷定崔來還要聽新興金玉班茶果比人還又省相公肯做
不曾聞一聲喝采齊聲應十齣登場九齣頑最是武場真討厭滾
身黃布大貓班

詩餘

代友人題黃平甫廣文江心餞別圖

江上鶉聲啼不住無端忽動吟離筵移取榜花張三春孤嶼酒一
曲鑑湖心家有宜園堪入畫烟霞東指遠岑十年垂盼覺情深
披雲欣自昔訪雪冀來今



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

121



温州市图书馆 0354

WENZHOU LIBRARY